

## ხარვეზების მიუხედავად, სარჩევნო კამპანია კონკურენტულია

აშშ-ს უწყებათაშორისი დელეგაციის შეფასება

მარი ახსიაშვილი

აშშ-ს უწყებათაშორისმა დელეგაციამ, რომელსაც დემოკრატიის, ადამიანის უფლებათა და შრომის საკითხებში ამერიკის სახელმწიფო მდივნის მოადგილე თომას მელია ხელმძღვანელობდა, საქართველოში სამდღიანი ვიზიტი დაასრულა.



გაზრძალვა  
მე-3 გვერდზე

## ევროსაბჭოს დამკვირვებელთა წინასწარჩვენო შეფასება

დათო გაბისონია

ევროსაბჭოს საპარლამენტო ასამბლეის წინასწარჩვენო დელეგაცია საქართველოს 1 ოქტომბრამდე დაემშვიდობა. დელეგაციის ხელმძღვანელმა ლუკა ვოლონტემ პარლამენტში მედიას უთხრა, რომ არჩევნების დღეს საქართველოში გაფართოებული შემადგენლობით იქნებიან.



გაზრძალვა  
მე-2 გვერდზე

## ევროკა შეფოთებულია რუსეთში ვითარებით

ცხარე დებატები სტრასბურგში და ვნებათაღელვარუსეთის საკითხზე. რუსეთის ფედერაციაში არსებულ მდგომარეობაზე აქცენტები ევროკავშირის საგარეო პოლიტიკის ხელმძღვანელის კეტრინ ეშტონის დელეგირებით გაკეთდა. ეშტონმა შემოფოთება გამოთქვა რუსეთის კანონის უზენაესობის უგულვლყოფის გამო და ამის მკაფიო მაგალითად "ფუსი რაიოტის" საქმე დაასახელა. "ჩვენ, ყველას, კარგად გვცხმის, რომ ეს პროვოკაციული ინსცენირება რელიგიურ გრძნობებს შეურაცხყოფს, მაგრამ ეს იყო პოლიტიკური აზრის არაძალადობრივი გამოხატვა. მას უნდა მოჰყოლოდა მსუბუქი სასჯელი და



არა ისეთი, როგორც მძიმე დანაშაულს შეეფარდება," - განაცხადა კეტრინ ეშტონმა. გარდა ამისა, დებატებისას ასევე გაიხსენეს კომპანია "იუკოსის" ხელმძღვანელის, პუტინის

პირად პატიმრად შერაცხული მიხაილ ხოდორკოვსკისა და ფონდ "ერმიტიჯ კეპიტალის" იურისტის სერგეი მაგნიტსკის საქმეებიც.

გაზრძალვა  
მე-4 გვერდზე

## ბენლაზიში ამერიკის საკონსულოზე თავდასხმას ამერიკელი დიპლომატები ემსხვერპლენ

ამერიკის სახელმწიფო დეპარტამენტის ცნობით, ლიბიის ქალაქ ბენლაზიში დიპლომატიურ უწყებაზე თავდასხმას ოთხი თანამშრომელი ემსხვერპლა.

ამერიკის სახელმწიფო მდივანმა ჰილარი კლინტონმა სამშაბათს გაკეთებულ განცხადებაში ამერიკელი დიპლომატების სიკვდილი დაადასტურა. ამერიკის პრეზიდენტმა ბარაკ ობამამ მკაცრად დაგმო ამერიკის საკონსულოზე თავდასხმა და დაადასტურა, რომ ოთხ გარდაცვლილ დიპლომატს შორის ერთი ამერიკის ელჩი ლიბიაში კრისტოფერ სტივენსია.



ბენლაზიში არეულობა მეზობელ ეგვიპტეში არსებულ პროტესტს მოჰყვა, სადაც კაიროში საელჩოს წინ შეკრებილმა დემონსტრანტებმა ამერიკის დროშები დანვეს.

ისინი წინასწარმეტყველ მუჰამედის შესახებ ამერიკულ ფილმს აპროტესტებდნენ. დემონსტრანტების თქმით, ეს ფილმი მუჰამედს შეურაცხყოფს.

1 აშშ დოლარი	1.6448\$
1 ევრო	2.1045\$
1 ინგლისური გირვანკა	2.6360\$
1 თურქული ლირა	0.9118\$
100 რუსული რუბლი	5.1761\$
თბილისი	24°C - 16°C
ქუთაისი	33°C - 20°C
თელავი	25°C - 12°C
ზუგდიდი	33°C - 17°C
ბათუმი	30°C - 19°C
ნავთობი	3.21 +0.03 +0.89%
გაზი	2.97 -0.02 -0.61%
ოქრო	1,734.30 -0.60 -0.03%
ხორბალი	874.50 -9.25 -1.06%

## დალ ბოსკა: საქართველოსთან იოლი არაფარი იყო



8

## ბათუმში ლეო კარაქის ზოლო ფილმს არვენებენ

საავტორო კინოს საერთაშორისო ფესტივალი 16 სექტემბერს გაიხსნება

5



"ზეციური მანქანები"

"24 საათი" ელექტრონული ვერსია იხილეთ Web-გვერდზე [www.24saati.ge](http://www.24saati.ge)  
ჩვენი პარტნიორები:

TBC BANK

FM 102.4

ბანკი კონსტანტა BANK CONSTANTA

ISSN 1987 9121

9177198719121001







# ბათუმში ლეო კარაქსის ბოლო ფილმს არვენებენ

ნა ვაკაძე

ჩვენი ქვეყნის ერთ-ერთი მთავარი კინომოვლენის, ბათუმის საავტორო კინოს მეშვედევ საერთაშორისო ფესტივალის დაწყებამდე სამიოდე დღე რჩება. "24 საათი" უკვე წერდა ფესტივალის საკონკურსო თუ სპეციალურ სექციებში გადანაწილებული პროგრამის შესახებ, რომელსაც დღესაც შეგახსენებთ, თუმცა მთავარი აქცენტი იმ სიახლეზე გვექნება, რომლის შესახებაც ორი დღის წინ გახდა ცნობილი - ოსტატთა კოლეჯის სექციის უკვე დაანონსებულ ფილმებს ლეო კარაქსის ბოლო ნამუშევარი "ზეციური მანქანები" (Holy Motors) დაემატა. კარაქსის ფილმის ჩვენება 17 სექტემბერს კინოთეატრ "აპოლოში" შედგება.

ლეო კარაქსის შემოქმედებისადმი ინტერესი ჩვენს კინომოყვარულებს ყოველთვის ჰქონდათ, თუმცა შარშანდელ თბილისის საერთაშორისო კინოფესტივალზე მისმა სტუმრობამ და სამი ფილმის რეტროსპექტიულმა ჩვენებამ ამ ფრანგი რეჟისორისადმი დაინტერესება კიდევ უფრო გაზარდა. კარაქსი თბილისს დეკემბერში სტუმრობდა, ჯერ კიდევ მაშინ, როდესაც "ზეციური მანქანებზე" მუშაობა არც ჰქონდა დასრულებული, ამიტომ მის შესახებ ვრცლად საუბრისგან თავი შეიკავა. გავიდა რამდენიმე თვე და "მანქანები" იმ 22 ფილმს შორის აღმოჩნდა, რომლებიც კანის საერთაშორისო კინოფესტივალის ორგანიზატორებმა "ოქროს პალმის რტოს" ნომინანტად დაასახელა. საბოლოოდ კანის ტრიუმფატორად მიხაელ ჰანეკეს "სიყვარული" დაასახელეს, კარაქსის ფილმმა კი Award of the Youth დაიმსახურა. პრაქტიკულად ეს იყო პირველი და უკანასკნელი კინოფესტივალი, რომლის პროგრამაშიც აღნიშნულ



"ზეციური მანქანები"

ლი ფილმი მოხვდა, მაგრამ კი მისი ნახვის საშუალება ბათუმის ფესტივალის სტუმრებს ეძლევა. უნდოდა რა ხანგრძლივი შესვენების შემდეგ დიდ ეკრანზე ღირსეულად დაბრუნებულიყო, "ზეციური მანქანებზე" ლეო კარაქსი ძალიან დიდი ხნის განმავლობაში მუშაობდა. შესვენება კი მართლაც დიდი ჰქონდა - 1999 წელს გამოშული "პოლა იქსის" შემდეგ ეს მისი პირველი სრულმეტრაჟიანი ფილმია. ორიოდე მოკლემეტრაჟიანის გარდა 2008 წელს პროექტ "ტოკოს" ერთ-ერთი სეგმენტი Merde გადაიღო,

რომლის ამავე სახელის მქონე პერსონაჟი "ზეციურ მანქანებშიც" გვხვდება. ამ პერსონაჟს კარაქსის პრაქტიკულად ყველა ფილმის მსახიობი დენი ლავანი ასრულებს. ალბათ გახსოვთ მისი მწვანით მოსილი მანანა, ამოუცნობი არსება საკანალიზაციო ლუქიდან რომ ძვრება და ტოკიოს ისედაც გიჟური ცხოვრების ტემპში მეტი არეულობა შეაქვს. დელი ლავანის გარდა "ზეციურ მანქანებში" ევა მენდესი, კაილი მინოუგი და მიშელ პიკოლი თამაშობენ. ფილმში ჩანს ნასტია გოლუბევა-კარაქსიც - ლეო კარაქსი-

სა და ეკატერინა გოლუბევა შვილი, თავად ფილმი კი სწორედ შარშან გარდაცვლილ ეკატერინა გოლუბევას ეძღვნება. შეგახსენებთ, რომ ეს რუსი მსახიობი არა მხოლოდ კარაქსის მეუღლე, არამედ მისი მუზაც გახლდათ და "პოლა იქსში" გიომ დეპარდიესა და კარტინ დენევეს უწევდა პარტნიორობას. ოსტატთა კოლეჯში ლეო კარაქსის ფილმის გარდა ასევე წარმოდგენილი იქნება პოლონელი იერჟი ჰოფმანის "ვარშავის ბრძოლა-1920", თურქი ნური ბილგე ჯეილანის "გაუცხოება" და "ერთხელ

ანატოლიაში", ბრიტანელი კენ ლოუჩის "ანგელოზის წილი" და ირანელი დარიუშ მეჰრჯუის "ნარინჯისფერი ფორმა". აქვე შეგახსენებთ, რომ იერჟი ჰოფმანი და ნური ბილგე ჯეილანი მასტერკლასებსაც ჩაატარებენ.

დაპირებისამებრ კიდევ ერთხელ გაგაცნობთ მხატვრული ფილმების კონკურსის ფილმებს: შარშანდელი ვენეციის კინოფესტივალის "ოქროს ლომის" ნომინანტი, მარიან სატრაპისა და ვინსენტ პარონოს "ქათამი ქლიავით", "ოსკარის" საუკეთესო უცხოენოვანი ფილმის ნომინანტი "სიბნელები" (რეჟისორი აგნეშკა პოლანდი), სერგეი ლოზნიცას კანის კინოფესტივალის "ფიპრესის" პრიზის ლაურეატი "ნისლში" და ირანელი ალი მოსაფას "უკანასკნელი ნაბიჯი" (ამ ფილმში მთავარ როლს "ნადერისა და სიმინის გაყრის" ვარსკვლავი ლეილა ჰატამი თამაშობს). ასევე კონკურსის ფილმებს შორისაა ნორვეგიელი მარტინ ლანდის "თითქმის ადამიანი", თურქი ამინ ალპერის "ბორცვებს მიღმა", ბრიტანელი რუფუს ნორისის "გატეხილი", უკრაინელი ევა ნიმანის "სახლი კომპით" და ესტონელი პიტერ სიმის "ეული კუნძული". ცნობილია მხატვრული ფილმების ჟიურის კონკურსის შემადგენლობაც: ელდარ შენგელაია, სერგეი ლავრენტიევი (რუსეთი), ნიკ ჰოლდსვორთი (დიდი ბრიტანეთი), გეორგი რალფი (უნგრეთი) და პეტრ ზელენკა (ჩეხეთი).

ბათუმის კინოფესტივალი 16 სექტემბერს გაიხსნება და 23 სექტემბერს ჟიურის რჩეულთა დაჯილდოების ცერემონიალით დაიხურება. ფესტივალის ორგანიზატორია ბათუმის ხელოვნებათა სახლი "არგანი", ხოლო ფილმების ჩვენებები ბათუმის კინოთეატრ "აპოლოსა" და სასტუმრო "რადისონის" დარბაზში გაიმართება.

## "თიბისი ბანკის" ახალი სათავო ოფისის შენობის გამარჯვებული პროექტები გამოვლინდა

"თიბისი ბანკის" ახალი სათავო ოფისის შენობის საკონკურსო პროექტებს შორის გამარჯვებული პროექტები უკვე გამოვლინდა. გამარჯვებულების საზეიმო დაჯილდოების ცერემონია გუშინ, თიბისი ბანკის ახალი სათავო ოფისის მომავალი შენობის ტერიტორიაზე გაიმართა.

გამარჯვებული პროექტის ავტორს "თიბისი ბანკი" 50.000 ლარით დააჯილდოებს, ხოლო მეორე და მესამე ადგილზე გასული პროექტების ავტორები 30.000 და 20.000 ლარით დაჯილდოვდებიან.

"თიბისი ბანკის" ახალი სათავო ოფისი ვაკე-საბურთალოს გზაზე, ყოფილი ამიერკავკასიის სამხედრო შტაბის შენობაში განთავსდება. შენობას რეკონსტრუქცია გამარჯვებული პროექტის შესაბამისად ჩატარდება.

აღსანიშნავია, რომ შენობა "თიბისი ბანკმა" ექვსი თვის წინ ტენდერის წესით შეიძინა, რის შემდეგაც რეკონსტრუქციის პროექტის შექმნაზე საერთაშორისო კონკურსი გამოაცხადა. კონკურსში, ქართული არქიტექტორების და არქიტექტორული კომპანიების გარდა, ასევე მონაწილეობას იღებდნენ მსოფლიოში ცნობილი არქიტექტურული კომპანიები გერმანიიდან, ესპანეთიდან, შოლანდიიდან, იტალიიდან და სხვა ევროპული ქვეყნებიდან. კონკურსს ხელმძღვანელობდა რო-



მის 21-ე საუკუნის ხელოვნების ნაციონალური მუზეუმის MAXXI არქიტექტურის მიმართულების ხელმძღვანელი, ცნობილი იტალიელი არქიტექტორი, პიპო ჩორა (Pippo Ciorra). "თიბისი ბანკში" აცხადებენ, რომ ასეთი მასშტაბის არქიტექტორული კონკურსი საქართველოში, უკანასკნელი 15 წლის განმავლობა-

ში, არ ჩატარებულა. კონკურსში წარმოდგენილი 34 პროექტიდან ოთხი გამარჯვებული გამოვლინდა - მესამე ადგილზე ორი პროექტი გავიდა. გამარჯვებული პროექტების ავტორები ჟიურის თავმჯდომარემ, პიპო ჩორამ და თიბისი ბანკის სამეთვალყურეო საბჭოს ხელმძღვანელმა მამუკა ხაზარაძემ დაასახელეს. პირველი ადგილზე გასული



პროექტის ავტორი ბალტიისპირელი არქიტექტორი ანდრიუს ამბრასასი გახლავთ. სწორედ მისი პროექტის მიხედვით განხორციელდება "თიბისი ბანკის" ახალი სათავო ოფისის რეკონსტრუქცია. ბანკში აცხადებენ რომ, "რეკონსტრუქციის შემდეგ, "თიბისი ბანკის" ახალი სათავო ოფისი იქნება ყველაზე დიდი ოფისი ბანკების

დღეს არსებულ ოფისებს შორის, ხოლო როგორც ბიზნეს-ცენტრი, ასევე, ყველაზე დიდი საქართველოს მასშტაბით. გარდა ამისა, ახალი შენობა იქნება ერთ-ერთი ყველაზე თანამედროვე, ღირსშესანიშნავი არქიტექტურული ნაგებობა, რომელიც მსოფლიოში დღეს არსებულ ყველა არქიტექტურულ სტანდარტს დააკმაყოფილებს".

# თბილისში წყალბურთელთა ჩემპიონთა ლიგა მოდის



თბილისის საცურაო აუზი "ოლიმპიკი" წყალბურთში ჩემპიონთა ლიგის საკვალიფიკაციო წრის A ჯგუფის მატჩებს უმასპინძლებს. 14-16 სექტემბერს პირველად ქართული წყალბურთის ისტორიაში საქართველოს ჩემპიონი - "ლიგამუსი-თბილისი" ითამაშებს.

ქართველ წყალბურთელთა მეტოქეები იქნებიან ესპანური "საბადელი", ბელარუსული "ვიტბიჩ ვიტბესკი" და პოლონური "არკონია შჩეცინი".

ჩემპიონთა ლიგის მომდევნო ეტაპზე საუკეთესო ჯგუფის საუკეთესო ორი გუნდი გავა, მესამე და მეოთხე ადგილზე გასულეები კი ევროპის თასის შესარჩევ ეტაპზე გადაინაცვლებენ.

და კიდევ ის, რომ გულშემატიკეებისთვის მატჩებზე დასწრება თავი-

სუფალია.

## წყალბურთში ჩემპიონთა ლიგის საკვალიფიკაციო ეტაპი. თბილისი, საცურაო აუზი "ოლიმპიკი", 14-16 სექტემბერი

- 17:15 საბადელი (ესპანეთი) - ვიტბიჩი (ბელარუსი)
- 19:00 ლიგამუსი (საქართველო) - არკონია (პოლონეთი)
- 15 სექტემბერი
- 17:15 არკონია (პოლონეთი) - ვიტბიჩი (ბელარუსი)
- 19:00 ლიგამუსი (საქართველო) - საბადელი (ესპანეთი)
- 16 სექტემბერი
- 10:15 საბადელი (ესპანეთი) - არკონია (პოლონეთი)
- 12:00 ლიგამუსი (საქართველო) - ვიტბიჩი (ბელარუსი)

# გიორგი ლორიას პირველადი გამოკვლევები რაუტარდა

სოციალურ ქსელებში მატჩის გმირად შერაცხული საქართველოს ნაკრებისა და თბილისის "დინამოს" მეკარეს გიორგი ლორიას ტრავმის შესახებ თბილისის "დინამოს" ოფიციალური გვერდზე ლორიას და თბილისის "დინამოს" ექიმის მერაბ ვარძუკაშვილის კომენტარებს აქვეყნებთ.

**გიორგი ლორია:** მატჩის მიმდინარეობისას სტადიონზე მოსული მაყურებლის მხრიდან ისეთ მხარდაჭერას ვგრძნობდი, რომ უზომოდ ბედნიერი ვარ. ასეთი გულშემატიკეობა დამატებით ძალებს მაძლევდა. ძალიან დამწყდა გული, რომ თამაშის გაგრძელება ვეღარ შევძელი. მოედანზე დარჩენის უმცირესი შანსიც არ არსებობდა. მინდა ყველა ქომაგს და ყველა იმ ადამიანს გადავუხადო მადლობა, რომელიც ინტერესდებოდა და ახლაც ინტერესდება ჩემი ჯანმრთელობის მდგომარეობით.

შეხვედრაში ყველა ფეხბურთელმა მაქსიმუმი გაიღო. ყველაფერი წინ არის და დიდი იმედი მაქვს, რომ ქართველი გულშემატიკეების გახარებას შევძლებ.

**მერაბ ვარძუკაშვილი:** დღეს დილით გიორგის Medi Club Georgia-ში პირველადი გამოკვლევები გაუკეთდა. გამოკვლევების საფუძველზე მას აღენიშნება მუხლის სახსრის და მის გარშემო არსებული რბილი ქსოვილების შეშუპება, რაც ზუსტი დიაგნოზის დასმის საშუალებას ვერ იძლევა. გამომდინარე აქედან გიორგის ესაჭიროება მაგნიტო-რეზონანსული ტომოგრაფიული კვლევა. როდის შეძლებს გიორგი ვარჯიშს ცნობილი ორიოდ დღე-



ში გახდება.

...შეგახსენებთ, რომ საქართველო-ესპანეთის (0:1) 73-ე წუთზე ესპანელთა შეტევის შემდეგ ზურაბ

ხიზანიშვილი და გიორგი ლორია ერთმანეთს შეეჯახნენ, რაც საქართველოს კარის დარაჯის მიმე ტრავმით დასრულდა.


# სტატისტიკაზე მკვლელი შტაფი

## ალექსანდრა ასათიანი

სერენა უილიამსმა ნიუ იორკში მეთხუთმეტე მეიჯორი მოიგო. მეთხუთმეტე ერთეულებში, ოცდამეათე ისე და ბუნწულა გოგონა დიდი სლემის ისტორიული რეიტინგის პირველ ათეულშია. დაიკოსთან ერთად მოხსნილი 13 ჯეკპოტიც მსუყვე, გემრიელი იყო. პირველ სამეულში შესვლა მოსულა და მაგარი რთული იქნება. ვენუსი თითქმის ვერ იგებს და ძირითადად, სერენას გულშემატიკეობით ილღება. სერენა ერთეულებში 9 მეიჯორს ვერ აიღებს და წყვილებში, სხვასთან ერთად არ გავა კორტზე. პირველ ხუთეულში შესვლაც რთული იქნება. უილიამსი რეალურად, მთელ პრო ტურზე ნიჭიერი და მკვლელი გოგონაა. აზარენკები, შარაპოვები და კვიტოვები სადღაც, რაღაცას აიღებენ, თუ იქ, იმ გარჩევაში სერენა არ თამაშობს ან დალლილია. დასვენებული სერენა იგებს. და სულ მოიგებს.

ამ რეიტინგში პირველზე მარგარეტ კორტია. ავსტრალიის, ელბერის ერთი უბნის ერთი ჩვეულებრივი ახალგაზრდა, რომელიც თავის დროზე ყველაფერს იგებდა. კორტი კორტზე ტორნადო იყო. ხის ჩოგნით იმ, მეორე გოგონას სისხლისგან ცლიდა, არ ინდობდა, უხერხულში აგდებდა. კორტმა 62 მარწყვის ტორტი შეუკვთა, თითო ტორტიდან თითო ნაჭერი აითვისა და დღეს ისვენებს. ქალბატონი მარგარეტი 70 წლის დიასახლისია, რომელიც თვეში ერთხელ ბევრ რაღაცას ისვენებს და ასაკთან დაქალობს.

მეორეზე ბატონი მარტინა ნავრატოლოვაა. ყველაზე, ნუ, ალბათ, ყველაზე სხვანაირი მანდილოსანი მანდილოსნებში. აქტიური და სწრაფი კორტზე და არაკორტზეც. ნავ-



შტეფი გრაფს ერთეულებში 22 მეიჯორი აქვს მოგებული

რატოლოვა არ იგებდა. მარტინას ბადესთან პატარა კოოპერატივი ჰქონდა გახსნილი, ანანასის წვენს წრუპავდა და მეგობარ გოგონებთან მეგობრობდა. მარტინამ დიდი სლე-

მის ბოლო ტურნირი 6 წლის წინ მოიგო. მიქსტში, ბობ ბრაიანთან ერთად. ბობიმ 50 წლის ბეპოსთან ერთად ფინალში ჩეხური წყვილი, კვეტა პეკე და მარტინ დამი 6:2, 6:3 გა-

	S	D	M	სულ	პერიოდი
1. მარგარეტ კორტი	24	19	19	62	1960-1975
2. მარტინა ნავრატოლოვა	18	31	10	59	1974-2006
3. ბილი ჯინ კინგი	12	16	11	39	1961-1980
4. მარგარეტ ოზბორნ დიუპონი	6	21	10	37	1941-1962
5. დორის ჰარტი	6	14	15	35	1947-1955
6. ლუიზა ბროუ კლეპი	6	21	8	35	1942-1957
7. პელენ უილის მუდი	19	9	2	31	1923-1938
8. ელიზაბეთ რაიანი	0	19	11	30	1913-1934
8. სერენა უილიამსი	15	13	2	30	1998-2012
10. შტეფი გრაფი	22	1	0	23	1987-1999
11. პემ შრაივერი	0	21	1	22	1981-1991
11. ვენუს უილიამსი	7	13	2	22	1998-2012
13. სიუზან ლენგლენი	8	8	5	21	1919-1926
13. კრის ევერტი	18	3	0	21	1974-1986
15. ნატაშა ზვერევა	0	18	2	20	1989-1997
16. მარია ბუენო	7	11	1	19	1958-1968
17. შირლი ფრაი ირვინი	4	12	1	17	1950-1957
17. ჯოჯი ფერნანდესი	0	17	0	17	1988-1997
17. ანა ნოვოტნა	1	12	4	17	1988-1998

რას ნიშნავს: S (ერთეულებში), D (წყვილებში), M (მიქსტში)

დახერხა. მარტინა ლეგენდაა. ჩოგბურთის მიკ ჯაგერი, რომელიც არ ისვენებს. ნავრატოლოვა დღესაც ბევრს თამაშობს, დელტაპლანით დაფრინავს და ოჯახურს აწვება.

მეათეზეა შტეფი გრაფი. და გერმანელი პირველია. ბევრ ამბავში. შტეფის ღია ერაში, ერთეულებში დიდი სლემის 22 ფინალი აქვს მოგებული. შტეფი იგებდა სამ დეკადაში და შტეფი უგებდა სამ დეკადის პიტბულს. გრაფი ელევანტურად, ერთი ლაზერული ფორშენდით ანაპალმებდა სხვის ტერიტორიას. გრაფი ჩვენი გოგო იყო. 1988 შტეფი იმ სეზონში პრო ტურის ბობ დილანია. გრაფმა მოიგო დიდი სლემი. მთლიანად, დიდი სლემი. მოიგო ოთხივე დიდი ტურნირი (Australian Open, French Open, Wimbledon, US Open) ერთეულებში და მოიგო ოლიმპიადი. შტეფი უიმბლდონის წყვილებ-

შიც გაერთო და გაბრელა საბატონისთან ერთად ფინალში, ლარისა სავენკოს და ნატაშა ზვერევას დაქალური დუეტი დალა 6:3, 1:6, 12:10. მაგარი ფინალი იყო.

ზვერევა სერიოზული მენეჯილი იყო. ნატაშა იგებდა სავენკოსთან ერთად და მერე ჯიჯი ფერნანდესთან დაქალობა დაიწყო. ზვერევამ ექვსჯერ მოიგო როლან გარო. ბევრია. წყვილებში ზვერევამ დიდი სლემის 18 ფინალი წამოიღო და კიდევ 13 ნააგო. ზვერევას ბოლო ფინალი 13 წლის წინ ავსტრალიაში იყო. ნატაშამ და ლინდსი დავენპორტმა მარტინა ჰინგის და ანა კურნიკოვას ვერ გადაუჯოკრეს (5:7, 3:6). თავის ამბავში, ზვერევაც ლეგენდაა.

და ამ სიაში მაინც შტეფი ჩანს. გერმანული ბორმანქანა თავისი მარმით და ქალური ქცევით.

# კლასიკური, კარგი მანუ



მანუ ერთ თამაშში საშუალოდ 2.9 ჩაჭრას აკეთებს

## ჯურაბ ტალაქაძე

მანუჩარ მარკოიშვილი საქმეს სოლიდურად აკეთებს. რალაც მომენტში გინდა, რომ ნაკრებში ერთზე მეტი მანუ იყოს. მარკოიშვილმა ევროპის ჩემპიონატის საკვალიფიკაციო ციკლი მაგრად დახურა. ჩვეულებრივი მანუსთვის და რეალურად მთქმელი - სხვისთვის. მარკოიშვილი საკვალიფიკაციოს ამბებში - 8 თამაში, 18.0 ქულა, 4.0 მოხსნა, 3.1 პასი, 2.9 ჩაჭრა. ეს სტატისტიკა ჩვენმა ბიჭმა არასრულ 33 წუთში დასვა. მარკოიშვილი პირველია ჩაჭრებში. პირველია საქართველოს ნაკრებში და პირველია ყველა დანარჩენ ნაკრებში. ქულებში მანუჩარი მეათეზე ზის და ორიანების პროცენტით იგორ კოკოშკოვის შუთერი მეათეზეა. სოლიდურად, პროფესიონალურად, გემოვნებით. რამდენიმე კარგი ბიჭით და პერსპექტივაში რეალური პერსპექტივით, სლოვენიაში საქართველო მეორე ეშელონის ფავორიტებში იჯდება. ლიტვაში პირველი დონე გავიარეთ, მაკედონიასთან მაცალებმა ნაგავარტვა ბონუსი და მერე ხალხი ტრავმებით დავკარგეთ. ტრავმები ცუდი რალაცაა. სლოვენიაში სხვები უნდა დავეშალოთ და ეს პროცესი მარკოიშვილის სროლით, მანუს დაცვით და მთელი გუნდის მენტალური სტამინით უნდა წავიდეს.

ამ ციკლში მარკოიშვილს თამაში არ ჩაუგდია. 28 წუთი აქ, რუმინეთთან. 14 ქულა, 5 მოხსნა, 4 პასი, 3 ჩაჭრა. 7/4 სამიანიც ხოშიანია. რუმინეთი 80:64 გადავჭყერით. მშვიდად, ემოციურად და უემოციოდ. 35 წუთი ბოსნიაში და იქ მარკოიშვილი სოლიდური იყო. 17 ქულა, 12/8 საშუალო, 3 პასი, ორი მოხსნით და 5 ჩაჭრით. ბოსნიას პირველ ტაიმი 95:56 მარცხდა. საბოლოოდ, 96:95.

საკუთარ ტერიტორიაზე ლატვიას ვიღებთ. 33 წუთი, 9/5 ორიანი, 4/3 სამიანი, 5 მოხსნა, 4 პასი. 5 ჩაჭრაც ასწორებს. მარკოიშვილი დისკომფორტს უქმნის რიპარდს კუკსიქსს, რომელიც ლატვიაში კარგი ბიჭი და ერთ-ერთი ლიდერია (12.1 ქულა). კუკსიქსი 7 ქულაზე დაჯდა. მანუმ 19 შეკრა და დაისვენა. ლატვიასთან 79:76 გავეჩაჩეთ.

**ჰოლანდიაში** რალაცები არ ნავიდა, სადღაც ბურთი დაიკარგა, ჰოლანდიაში კარგი კალათბურთი შეუბერა და არ იყო ვიკა სანიკიძე. მარკოიშვილი 33 წუთში 15 ქულის, 3 მოხსნის, 3 პასის და 3 ჩაჭრის ნამოლებას ასწრებს. 5/5 საშუალო მაგარია. 88:91 უსიამოვნო იყო. იმ მომენტში უსიამოვნო.

მეორე წრე რუმინეთში გაიხსნა. 31 წუთი, 17 ქულა, 13/7 თამაშიდან. მარკოიშვილი, მანუს მეგობრები, ჩვენც ვერთობით. რუმინეთმა რუმინულად გააკეთა საქმე. ჩვენ - არარუმინულად. მოსაგებად საქმარისია. 91:74. კოკოშკოვი შემდეგ ტესტზე ფიქრობს. თბილისში ის კრიმინალი, ტელეტოვიჩი მოდის. ბოსნიასთან და ზაჯ რაიტთან ერთად.

ბოსნიასთან მანუმ დაგლიჯა. სტანდარტულად სტაბილური დრო (33), სტანდარტულად სტაბილური პროცენტი თამაშიდან (12/6) და არასტანდარტულად ბევრი ნასროლი (10) და ჩასმული (9) საჯარიმო. მარკოიშვილმა 23 ქულა ხია. 4 მოხსნა და 4 პასიც რესპექტაბელურია. მერე ბოსნიამაც გვცია, 107:103. მარკოიშვილი ადის დედოვიჩზე და დედოვიჩი არ ჩანს. მანუ ადის რაიტზე და ზაჯი ჩერდება. ბოლო მომენტში, პულენს მანუზე უნდა ეთამაშა. მარკოიშვილი ჩაადგებდა. მანამდე ტელეტოვიჩის ცელქობამდე, მანუმ სამიანი 103:102 დასვა და მიღზამ ჩააგდო და ბოსნიამ მოიგო. ცუდი იყო.

ლატვიაში კოკოშკოვმა გლადიატორების ნაკრები ჩაიყვანა. იქ ყველა ვარიანტი მოსაგები იყო. პრინციპის, კიდევ სხვა რალაცის გამო. ლატვიაში ლატვიამ ლატვიურად ვერ შეუბერა და ეს კოკოშკოვის მოქნილმა დაცვამ, მარკოიშვილმა, ვიკამ, ზაზა ფაჩულიამ, ბუმ გააკეთეს. 73:70 და ჰოლანდიასთან ვართობამდე მეორეზე დავეჯექით. მარკოიშვილი ლატვიასთან - 17 ქულა, 6 მოხსნა, 2 ჩაჭრა, 7/5 თამაშიდან. კლასიკა.

ბოლო ტესტი ვან ბასტენის უბნელუბთან იყო. ბოლო ტესტში იგორ კოკოშკოვმა დაასვენა ზაზა და თორნიკე შენგელია. ბოლო ტესტში მანუჩარმა ჩვეულებრივად ითამაშა. 34 წუთი, 17/8 თამაშიდან, 9/6 საშუალო, 4/4 საჯარიმო, 5 მოხსნა, 5 პასი, 5 ჩაჭრა, სადისტური დაცვა და ლტოლვა. მარკოიშვილმა 22 ქულა



მანუჩარ მარკოიშვილი ამ საკვალიფიკაციოში 18.0 ქულას იღებდა

აილო. ციკლი დაიხურა. ჰოლანდია ერთჯერადი იყო. საქართველოს ნაკრები ევროპის ჩემპიონატის ვიზას იღებს. სლოვენიაში სერიოზული ტესტები ნავა. ახალ, შეცვლილ საქართველოსთან ერთად. სლოვენიაში ფავორიტები ფავორიტები იქნებიან და ჩვენც უნდა მოვუმატოთ. გავერთობთ. მანუსთან ლაპარაკს ციკლის რევიუთი ვინწყებთ.

**მანუჩარ მარკოიშვილი** - ალბათ, რალაც დრო უნდა გავიდეს და რაც მოხდა, რაც გავაკეთეთ, როგორც გავაკეთეთ, უკეთ გაიმიფრება და გასარჩევაც მეტი იქნება. ევროპის ჩემპიონატზე ვართ. ეს უკვე წარმატებაა. საინტერესო, რთული ჯგუფი იყო და მეორე ადგილი ნორმალური, მისაღები შედეგია. შეიძლებოდა პირველზე გასვლაც და მესამეზეც. იყო შეცდომები, მაგრამ ეს ნორმალურია. ბოსნიაში ძალიან კარგი პირველი ტაიმი გვექონდა და ჰოლანდიაში უყურადღებოდ, ცუდად გავაკეთეთ საქმე. ქართული ხასიათი, რალაც მომენტში არაპროფესიონალიზმი და ვაგებთ ჰოლანდიასთან. ვაგებთ გუნდთან, რომელიც ჩვენზე სუსტია და რომელმაც დაინახა, რომ იმ მომენტში ჩვენთან მოგება რეალური იყო. ლატვია ძალიან კარგია და ამ გუნდთან ორივე თამაშის მოგება რთული, სასიამოვნო იყო. ლატვიამ მოუშაბა, სწრაფი, ლამაზი კალათბურთით პრობლემებს გიქმნის და ჩვენ ამისთვის მზად ვიყავით. მწვრთნელებმა კარგად იმუშავეს. როგორც გითხარით, ყველაფრის უკეთ გასარჩევად ცოტა მეტი დრო უნდა გავიდეს. ევროპის ჩემპიონატის ფინალურ ეტაპზე გასვლა ჩვენთვის დიდი წარმატებაა. ლიტვაში ვითამაშეთ, მივიღეთ გამოცდილება. არ ვიცი, რა იქნება სლოვენიაში, მაგრამ ჩვენ იქ ნამდვილად ვიქნებით და ეს მთავარია.

### - მოდი, ეს და წინა ციკლის ნაკრებები შევადაროთ.

- წინა ნაკრებში იყო ყველაფერი ის, რაც წლების განმავლობაში გვეჭირებოდა, გვექონდა, გროვდებოდა. ამ ნაკრებში აღარ არის ვლადიმერ ბოიას გამოცდილება, რომელიც ლიტვაში და წინა ციკლში მნიშვნელოვანი იყო. ამ ნაკრებში აღარ არის ნიკა ცქიტიშვილის სამიანები. მაღალი მოთამაშე, მეოთხე ნომერი ამოდის პერიმეტრზე და სამიანებს ისვრის. წარმატებისთვის

საჭირო ელემენტი. ნიკამ ნაკრებს ბევრი მისცა. ლაშა გამყრელიძე და ლაშას დაცვა პრესინგზე, მისი ენერჯია. ეს ყველაფერი იყო და ამით და ბევრი სხვა კომპონენტით, ლიტვაში და ლიტვამდე ვიგებდით. დღეს ცოტა სხვა კალათბურთს ვთამაშობთ და საკვალიფიკაციოში ახალი ნაკრების კონტურები უკვე ჩანდა. ვილაცამ მოუშაბა, ვილაცამ უნდა მოუშაბოს. პოტენციალი, ნიჭი არის და ამ ყველაფერს გამოყენება უნდა. სლოვენიაში დრო არის, ყველაფერი კარგად იქნება. შედარება არ გამოდის. ორივე ნაკრები იდეაში, ერთი ნაკრებია. რამდენიმე ცვლილებით. შეიცვალა ნატურალიზებული მოთამაშეც. ვნახოთ რა...

### - ბოსნიასთან ორი განსხვავებული თამაში იყო. თითქმის იდეალური პირველი მეოთხედი გასვლაზე და ცოტა გაუგებარი თამაში თბილისში.

- ბოსნიაში თავიდან ყველაფერი კარგად წავიდა. დაცვაში თითქმის არ იყო შეცდომები, წაიყვანეთ ოც ქულამდე და თამაშის ბოლომდე სულ წინ ვიყავით. იქ იყო მომენტი, როდესაც ბოსნიამ ჩასაგდება ვერ ჩააგდო, მაგრამ ჩვენ უფრო მეტი შანსი ვერ გამოვიყენეთ. იგივე შეცდომა იყო შემდეგ ლატვიასთან. ბევრით ვიგებთ, ვუშვებთ შეცდომებს და თამაში იძაბება. ბოსნიაში ბოსნიაზე უკეთესები ვიყავით. ლოგიკა სხვა თემაა, უზრალოდ, მოვიგეთ. თბილისში, დაცვაში ბევრი შეცდომაა. შენი მონინალმდეგე 107 ქულას არ უნდა აგროვებდეს. ბევრია. ბევრი არა, ძალიან ბევრია. ეს არ არის NBA, აქ არ გაქვს 48 წუთი და როდესაც 103 ქულით თამაშს მაინც ავტო, ესე იგი, სერიოზული პრობლემები გაქვს დაცვაში. ბოსნია ძალიან კარგი გუნდია, მაგრამ არა იმდენად კარგი, რომ 40 წუთში 107 ქულა აიღოს. ეს უფრო ჩვენი მინუსია, ვიდრე მეორე გუნდის დამსახურება.

### - ეს ნაკრები მზად არის ევროპის ჩემპიონატისთვის?

- ეს ნაკრები მზად არის მაღალ დონეზე სათამაშოდ. თუ ყველაფერი გავაკეთებთ ისე, როგორც ლატვიაში, მაშინ ნაკლებ პრობლემა იქნება მოსაგარებელი. თუ დაცვაში თამაში დაგვებარება და ნამოვა შეცდომები, ავტომატურად, მეტი პრობლემა მოდის. საერთოდ,

დაცვა არის ნებისმიერი მოთამაშის მონდომება და შესაძლებლობა. თუ ლატვიაში საქმეს ვაკეთებთ და ლატვიას დაცვით ვუგებთ, ლოგიკურად, იგივეს ვაკეთებთ შეგიძლია ბოსნიასთან, ნებისმიერ სხვა გუნდთან. ლატვია საკმაოდ მაღალი დონის ნაკრებია. ბოსნიაც. ასე რომ, თუ არ დაგვეზარება რალაცების გაკეთება, სლოვენიაში ჩვენთვის მისაღები შედეგი იქნება. მწვრთნელებს საკმარისი დრო აქვთ და რაც მოსაგარებელია, იდეაში, უნდა მოგვარდეს. დაცვაში კარგი, შედეგის მომტანი თამაში შეგიძლია. უბრალოდ, ეს უფრო სტაბილურად უნდა გავაკეთოთ და არა - ფრაგმენტულად.

### - მაგარი საინტერესო საკვალიფიკაციო ტურნირი იყო. პრობლემები შეექმნა სერბეთს, თურქეთს, რომელიც ბოლო მსოფლიოზე მეორეა. შეიცვალა და უკეთესი გახდა იტალია, ყველაფერი მოიგო მონტენეგრომ. თითქმის გავიდა ევროპაზე აზერბაიჯანი. საერთოდ, კიდევ უფრო გათანაბრდა?

- კი, საერთოდ დონე გათანაბრდა. ევროპის ჩემპიონატზე საქართველომ შეუქმნა პრობლემები მაკედონიას, რუსეთს და საბოლოოდ, ეს გუნდები პირველ ოთხეულში შევიდნენ. შეიძლება ნააგო შენზე სუსტ გუნდთან, რომელიც იმ კონკრეტულ მომენტში შენზე უკეთ ვიყავით ყველაფერს. ის პრობლემები, რაც გუნდებს ამ ეტაპზე შეექმნათ, მოგვარებადია. სერბეთს, სხვა ფავორიტებს აქვთ მომტანების რესურსი. ჩვენც უნდა მოვუშაბოთ. ყველა ცდილობს ბოლომდე გამოიყენოს საკუთარი შესაძლებლობა და ეს ჩვეულებრივი, ნორმალური პროცესია. ბევრმა გუნდმა ლიდერების გარეშე ითამაშა, მაგრამ თუ იგებ, ამას გუნდურად, დაზღვევით, დაცვით, კომპლექსურად აკეთებ. იტალიამ ყველა თამაში მოიგო და იქ ლიდერი დანილო გალინარია. ძალიან ძლიერი, ევროპაში ერთ-ერთი საუკეთესო ფორვარდი, მაგრამ იტალია არ არის მხოლოდ გალინარი. სლოვენისთვის იტალია, საერთოდ, ყველა მოუშაბებს. ალბათ, უკეთესი იქნება საქართველოც. უნდა დავისვენოთ, კიდევ ერთხელ გავიაროთ ყველაფერი და აკურატულად გავაკეთოთ საქმე. სლოვენიაში საინტერესო ტურნირი იქნება.

# დელ ბოსკა: საქართველოსთან იოლი არაფერი იყო

გიგა ბურკაძის მიერ



ესპანეთთან წაგებული თამაშის მიუხედავად, საქართველოს ნაკრები არავის გაუკიცხავს. ნაკრების მთავარმა მწვრთნელმა მატჩამდეც და მატჩის შემდეგაც არაერთხელ აღინიშნა, ბოლოს და ბოლოს ყველა დროის საუკეთესო გუნდს ვეთამაშებოდითო. თავის დროზე, უფრო სწორად სამხრეთ აფრიკის მსოფლიო ჩემპიონატისას, გერმანიის ნაკრების მთავარმა მწვრთნელმა იოახიმ ლოვმა თქვა, მესის არგენტინას კი მოუფეთ, მაგრამ ესპანეთს არაერთი მესი ჰყავსო.

ამ შესავლის შემდეგ ესპანეთის ნაკრების მთავარ მწვრთნელს, ვისენტე დელ ბოსკესაც მოუხსენიოთ, რომელიც ესპანეთის ფეხბურთის ფედერაციის ვებ-გვერდთან საქართველოს ნაკრებთან დაკავშირებულ შთაბეჭდილებებზე საუბრობს.

ესპანელთა თავკაცის თქმით, საქართველოსთან მოგებული რთული შეხვედრა კიდევ ერთი მაგალითია იმისა, თუ რამდენად გათანაბრდა მსოფლიო ფერბურთში საერთო დონე.

ფაქტია, მსოფლიოს და ევროპის მოქმედ ჩემპიონებს გამარჯვების გოლამდე 86-ე წუთამდე მოუწიათ ლოდინი. დელ ბოსკეს თქმით, მათ საქართველოს ნაკრები შეისწავლეს, ამიტომაც მისთვის არ ყოფილა სიურპრიზი, რამდენად რთული იქნებოდა თემურ ქეცბაიას გუნდის დამარცხება.

"მინდა მივულოცო საქართველოს ბრწყინვალე თამაში. მათ, სა-

კუთარი ენთუზიაზმით დიდი პრობლემების წინაშე დაგვაყენეს. ოსტატურად იგერიებდნენ ჩვენს შეტევებს, როგორც ფლანგებზე ისე ცენტრში. აქედან გამომდინარე, იოლი თამაში არ იყო, საქმე გაგვირთუ-

ლეს. მიუხედავად ამისა, მნიშვნელოვანი სამი ქულა მოვიპოვეთ. ვიცოდით, რომ ორგანიზებულები იქნებოდნენ, რომ დაცვაზე ექნებოდათ აგებული თამაში და რომ ფონს გასვლას შეეცდებოდნენ საკუთარი

მოთამაშეების სისწრაფით, რაც თავის მხრივ, მათ საშუალებას მისცემდათ დავეჭირეთ კონტრშეტევაზე. ერთი სიტყვით, ფრთხილად უნდა ყოფილიყავით. არ გეგონოთ, რომ ყოველივეს თავაზიანობის გამო

ვამბობდე.

...ფეხბურთში ყოველდღიურად მცირდება სხვაობა. ჩვენ ჩვენი საქმე უნდა ვაკეთოთ. გავიაროთ საკვალიფიკაციო ეტაპი. სხვა რამეზე ფიქრის უფლება არ გვაქვს, გარდა შესარჩევის დაძლევისა".

ესპანეთის ფეხბურთის ფედერაციის ვებ-გვერდთან საუბარში დელ ბოსკე მატჩისას განხორციელებულ ცვლილებებზეც საუბრობს: "სხვადასხვა ვარიანტი გვექონდა მათი დაცვის დასაშლელად. საამისოდ გადავწყვიტე, რომ მოედანზე შემეშვა სესკი და პედრო, რომლებმაც ამ მხრივ გარდატეხა შეიტანეს და ბოლოსკენ დაცვის ხაზი გატეხეს".

ამავე ვებ-გვერდთან საუბრობს 86-ე წუთზე საქართველოს კარში გოლის გამტანი რობერტო სოლდადოც: "მთავარი ისაა, რომ მოვიგეთ. ეს ისაა, რისკენაც მივისწრაფვოდით. მაღლობა ღმერთს, რომ გოლის გატანა შეეძლო, რომელმაც სამი ქულა მოგვიტანა. მნიშვნელოვანია ისიც, რომ ბრაზილიის მსოფლიო თასის შესარჩევი მოგვით დავინყეთ.

...რთული თამაში იყო, განსაკუთრებით გართულდა თავისუფალი სივრცის პოვნა. გუნდი (საქართველოს ნაკრები) ჩვენს გარემოცვას მეტად ზღუდავდა. ფაქტობრივად, კედელივით აღიმართნენ ჩვენს წინაშე და იმ ადგილს არაფრის დიდებით არ ტოვებდნენ. ერთი საგოლე მომენტი ვერ გამოვიყენე და ეს მოსვენებას არ მძალევდა. ასე რომ, მნიშვნელოვანი იყო გოლის გასატანად მქონოდა კიდევ ერთი შანსი, რომელსაც ყველა ასე ველოდით"

## გამომცემლობა ინტელექტი მთავაზობთ

## ერთი შედეგის ყველა ქართული თარგმანი

მსოფლიო კლასიკოსები და ქართველი მთარგმნელები შედეგების თარგმნის უწყვეტი ტრადიცია

**მრავალტომიანი**

დაგვიკავშირდით:  
 თბილისი, ილია ჭავჭავაძის გამზ. N5  
 ტელ: (+995 32) 2 25 05 22  
 (+995 32) 2 47 55 54  
 intelekti@caucasus.net  
 info@intelekti.ge  
 www.intelekti.ge

[www.intelekti.ge](http://www.intelekti.ge)

